

**Ka Moporesidente
Henry B. Eyring**

Mogakolodi wa Ntlha mo
Boporesidenteng jwa Ntlha



Malwapa a Ka Nna Mmogo Ka go Senang Bokhutlo

Thata ya boperesiti ya go tshwaraganya malwapa ka bosakhutleng ke nngwe ya dimpho tse dikgolo tsa Modimo. Mongwe le mongwe yoo tshaloganyang thulaganyo ya pholoso o eletsa tshagofatso eo ya bosafeleng. Fela mo meletlong ya go kana e e dirwang mo ditempeleng tse di tshwaetsweng tsa Kereke ya ga Jeso Keresete ya Baitshepi ba Malatsi a Bofelo Modimo o fa tsholofelo gore malwapa a ka tshwaragangwa mmogo ka go senang bokhutlo.

Dilotlele tsa boperesiti tseo di kgonisang se di buseleditswe mo lefatsheng ka moporofiti Elija go Joseph Smith mo Tempeleleng ya Kirtland. Dilotlele tseo tsa boperesiti di fitisitswe ka mola yoo sa kgaogeng wa baporofiti ba ba tshelang mo Kerekeng ya ga Jeso Keresete ya Baitshepi ba Malatsi la Bofelo go fitlha gompieno.

Mmoloki mo bodireding jwa Gagwe mo lefatsheng o ne a bua ka thata ya go kana malwapa mo mafokong a Gagwe go Petere, kgosi ya Baapostole ba Gagwe, fa a re, “Ammaaruri Ke a go raya, Sepe fela seo tlaa se bofang mo lefatsheng se tlaa bofiwa kwa legodimong: le sepe fela seo tlaa se bofololang mo lefatsheng se tlaa bofololwa kwa legodimong” (Matthew 18:18).

Ke fela mo bogosing jwa selesetiale koo re ka tshelang re le malwapa ka go senang bokhutlo. Koo re ka nna malwapa mo ponalong ya Rara wa Legodimo le Mmoloki. Moporofiti Joseph Smith o tlhalosa maitemogelo a a gavgamatsang ao ka tsela e mo Doctrine and Covenants:

“Fa Mmoloki a tlhaga re tlaa mmona jaaka a ntse. Re tlaa monna gore ke motho jaaka rona.

“Mme botsalano jo bo tshwanang le jo bo leng teng mo gare ga rona fa bo tlaa nna teng mo gare ga rona koo, fela

bo tlaabo bo kopantswe le kgalalelo ya bosakhutleng, kgalalelo e o re sa e akoleng gompieno” (D&C 130:1–2).

Lokwalo le le boitshepo lefa mogopolo wa gore ka thokgamo re ka lebelela seelo sa selegodimo mo botsalanong mo gare ga malwapa a rona. Re ka kgalthegele maloko a malwapa a rona, bao ba tshelang le ba ba tlhokafetseng, go dira gotlhe mo re ka go kgonang go fa ditlhommo tsa boperesiti tseo di tlaa re bofang kwa legodimong.

Bontsi jwa lona, bana le bagolo, lo dira jalo. Lo batlile maina a baswi bao ba iseng ba amogele ditlhommo tse di ka le kanang mmogo.

Gongwe lotlhe le na le masika a tshelang bao ba iseng ba kanwe mo malwapeng ka thata ya boperesiti. Ba bantsi ba na le masika a a tshelang bao ba amogetseng ditlhommo tsa boperesiti mme ba sa tshegetse dikgolagano tseo ba di dirileng le Modimo. Modimo o tlaa go segofatsa gore o kgone go thusa masika ao otlhe ka tumelo. O nale tsholofetso eo Morena a e dirileng go barutwana ba Gagwe bao ba tsisang ba bangwe go Ene.

“Mme yoo le amogelang, koo Ke tlaa bo ke le teng gape, gonne ke tlaa tsamaya fa pele ga sefatlhego sa gago. Ke tlaa bo ke le mo mojang le mo molemeng wa lona, le Mowa wame o tlaa bo o le mo dipelong tsa lona, gape baengele bame ba tlaa lo dikaganyetsa, go le tshegetsatsa” (DD 84:88).

Go tswa fa seokomela bagwe sa ofisi ya me Ke bona banyadi le banyadiwa letsatsi le letsatsi ba tsewa dinepe fa gare ga mabolomo a mantle le metswedi ya metsi a fulang. Monyadi o nna a tshwere monyadiwa ka seatla sa gagwe, gongwe mo dikgatong tse di thata, mo tsaya ditshwantso a tsaya ditshwantsho tsa lenyalo. Nako le nako fa Ke

bona se, Ke akanya ka baratani bao ke ba itseng bao mo nakong—tse dingwe ka nako e khutshwane morago ga letsatsi la lenyalo—ba tshwanelwang ke go rwalana ka tsela nngwe fa botshelo bo nna thata. Ditiro di ka latlhega. Bana ba ka tsholwa ka dikgwetlho tse dikgolo. Malwetse a ka tla. Mme jalo, go itlwaetsa go dira go ba bangwe jaaka re ka batla ba dira go rona—fa gone go le mo tlhofo—go ka re dira bagaka mo dinakong tseo tsa diteko fa go tsaya mo go fetang jaaka re ne re akantse.

Re kolota malwapa a rona botsalano jo bo ntseng jalo jo re ka bo isang mo ponalong ya Modimo. Re tshwanetse go leka go sa neele sekgopi kgotsa go tsaya sekgopi. Re ka nitamisa gore re itshwarela kapela ebile go feletse. Re ka leka go batla boitumelo jwa ba bangwe go feta jwa rona. Re ka siamisa puo ya rona. Jaaka fa re le ka go dira tse tsotlhe, re tlaa laetsa Moya o o Boitshepo mo malwapeng a rona le mo matshelelong a rona.

Tsholofetso ya me ke gore, ka thuso ya Morena le ka pelo e e ikwatlhaileng, re ka tshwara go tlhologanya mo go nnye mo botshelong jo botshelo jo re bo batlang jwa bo senang bokhutlo. Rara wa Legodimo wa re rata. Wa re batla gape kwa go Ene. Mmoloki, ka thata ya Tefo ya Gagwe, o kgonegisa go fetoga ga dipelo tsa rona mo re go tlhokang go tsena mo ditempeleng tse di boitshepo, go dira dikgolagano tseo re ka di tshegetsang, mo nakong re tshela le malwapa ka bo senang bokhutlo mo kgalalelong ya selesetiale—kwa lapeng gape.

GO RUTA GO TSWA MOLAETSENG O

Jaaka o abelana thuto ya malwapa a bosakhutleng, akanyetsa ka seo Mogolwane Richard G. Scott wa Khoramo ya Baaposetole ba ba Lesome le Bobedi a se buileng: “Ka metlha batla go nonotsha malwapa. Ruta ka pono ya botlhokwa jwa malwapa a a kanwang mo tempeleng. . . . Fa o nale pono ya ditlhommo tsa kano mo tempeleng, o tlaa thusa go aga bogosi jwa Modimo mo lefatsheng” (“I Have Given You an Example,” *Liahona*, May 2014, 34). O ka thusa jang bao o ba rutang go tokafatsa pono ya botlhokwa jwa go kanwa mo tempeleng? Laetsa bao ba iseng ba kanwe go buisana ka dikgato tseo ba ka di tsayang go ya kwa tlhomong eo. Laetsa bao ba kanweg go buisana ka fa ba ka tshegetsang pono ya malwapa a bone a bosakhutleng le go dira go tokafatsa botsalano jwa bone le ba bangwe.

BANANA

Ke Tshwaragantswe ka Bosakhutleng le Lelwapa la Me

Ka Laura Burton

Fa ke ne ke tsewa ke le dingwaga tse tharo, mme yoo mpelegeng o ne a letlelela pheleletso ya go tsewa ga me fela fa batsadi bame ba dumalana go dira ditlhommo tsa me tsa Kereke morago fa Ke sena go nna 12 O ne a akanya gore Ke tlhoka go nna motona go dira ditshwetso tsa me, mme gone go le thata go leta jalo.

Ee, go ne go le thata go bona bontsi jwa ditsala tsa me di kolobediwa fa ba nna le dingwaga tse di boro-babobedi, mme mo go neng go le thata go feta e ne e le go itse gore Ke ka kanwe go batsadi bame ba ba ntsereng le bo nkgonne ba ba tlhano go fitlha Ke nna 12. Ke ne ke tshoga gore gongwe sengwe se tlaa ntira-galela mme go se kgonege go re ke kanwe go bone.

Jaaka fa matsalo a me atumela 12, ra simolola go rulaganyetsa kolobetso yame le go kanwa go lelwapa la me. Batsadi bame ba ntetla gore ke tlhophe tempele eo re tlaa kanwang kwa go yone. Ka metlha ke ne ke akanya gore Tempele ya San Diego California e ne ele ntle thata, jalo lelwapa la me lotlhe la dumalana go kgweeletsa ko California go kanwa.

Ke ke ka seka ka leta go nna mo lelwapeng la bosa-khutleng le batsadi bame le bo nkgonne. Ka nako ya kano ya me, Ke ne ka utlwa Moya mo go maatla mo go leng thata go tlhalosa. Jaanong ka Ke kannwe go lelwapa la me, maikutlo a go tshwenyega a emesiditswe ke a kgomotso le kagiso, ka Ke itse gore jaanong ke tshwaragantswe le bone ka bosakhutleng.

Mokwadi o tshela kwa Utah, USA.

BANA

Lebelela ko Tempeleng

Moporesidente Eyring o tlhalosa gore ka ntlha ya boperesiti, re na le monyetla wa go ya tempeleng go kanwa mmogo le lelwapa la rona ka bosakhutleng. Tshwantsha kgotsa o batle setshwantsho sa tempele eo e ratang mme o e beye mo lefelong leo ko o ka e bonang letsatsi le letsatsi. Dira mola wa gore o tlaa ipakanyetsa jang go ya tempeleng tsatsi lengwe.



Tumelo • Lehwapa • Thuso

Mokgwa wa ga Jeso Keresete wa Legodimo: Bomolemo

Ka thapelo ithute tiriso e mme o senke go itse gore o ka abelana eng. Go tlhaloganya botshelo le thomo ya Mmoloki go ka oketsa jang tumelo ya gago mo go Ene le go segofatsa ba o ba lebeletseng ka thuto ya ketelo? Go bona molaetsa yo montsi, ya ko reliefsociety.lds.org

Se ke karolo ya ditatelano tsa Melaetsa ya Thuto ya Ketelo go akaretsa boitsholo jwa Mmoloki.

"A bomolemo bo kgabise dikakanyo tsa gago bo sa eme; jalo a thokgamo ya gago e gole mo ponalong ya Modimo; mme thuto ya boperesiti e tlaa rotha mo moweng wa gago jaaka monyo go tswa legodimong" (D&C 121:45).

Bomolemo ke eng? Moporesidente James E. Faust (1920–2007) o ne a re: "Bomolemo mo tletseng ka gone go akaretsa yotlhe mekgwa ya tshiamiso eo e re thusang go dira botho jwa rona."¹ Moporesidente Gordon B. Hinckley (1910–2008) a tlalaetsa: "Go rata Modimo ke modi wa jotlhe bomolemo, le bosiami jotlhe, le yotlhe nonofo ya botho."²

Mo botsalanong ma gareng ga mosadi le bomolemo, Mogolwane D. Todd Christofferson wa Khoramo ya Baaposetole ba ba Lesome le Bobedi a re: "Basadi ba tlisa mo lefatsheng bomolemo bongwe, mpho ya selegodimo eo e ba dirang gore ba nne le kitso ya go dirisa mokgwa oo jaaka tumelo, bopelokgale, mautlwelobotlhoko, le go tlhotlha mo botsalanong le ditso. . . .

"Bokgaityadi, jotlhe botsalano, ke botsalano le Modimo, Rara wa gago wa Legodimo, yoo e leng motswedi wa thata ya boitsholo jwa lona, eo tshwanetseng go e baya pele mo matshelong a lona. Gakologelwa gore thata ya ga Jeso e tile ka tlhaloganyo e e ngwe fela go bodiredi jwa thato ya ga Rara. . . .Tswelela go nna mongwe wa barutwana ba ga Rara le Morwa, mme tlhotlhetso ya gago ga e kake ya nyelela."³

Dikwalo tsa tumelo tse di tlaletsang

Psalms 24:3–5; Philippians 4:8;
2 Peter 1:3–5; Alma 31:5;
D&C 38:23–24

Gotsweng Dikwalong tsa Tumelo

Gompiano, basadi ba ba molemo, ba ba tletseng tumelo, ba otlogela go Mmoloki. Mo go Luke 8 re bala ka mosadi yoo a ne a nale seemo sa madi dingwaga tse 12 seo e neng se sa kgone go fodisiwa. O ne a batla go fodisiwa fa a "a tla ko morago ga ga [Keresete], mme a kgoma molelwane wa seaparo sa gagwe: mme ka bonako seemo sa gagwe sa madi sa [ema] . . .Mme Jeso a re, Mongwe o nkgomile:

mme Ke lemoga gore bomolemo⁴ bo dule mo go nna." Mosadi yoo boikanyego a le molemo a wela fa pele Gagwe, a bolela "go ene fa pele ga batho botlhe" gore "ke ene a mo kgomileng" mme "o ne a fodisiwa ka bonako. Mme a re go ene, Morwadiake, nna le kgomotso: tumeloya gago e go ntlafaditse" (bona Luke 8:43–48; bona gape 6:17–19).

Ka bomolemo,⁵ jwa Gagwe Keresete o ka fodisa, a kgonisa, nonotsha, gomotsa, le go itumedisa fa re ithlophela ka bopelokgale le tumelo fa re otlogela go Ene.

DINTLHA

1. James E. Faust, "The Virtues of Righteous Daughters of God," *Liahona*, May 2003, 108.
2. Gordon B. Hinckley, "Excerpts from Recent Addresses of President Gordon B. Hinckley," *Ensign*, Apr. 1996, 73.
3. D. Todd Christofferson, "The Moral Force of Women," *Liahona*, Nov. 2013, 29, 31.
4. Bomolemo bo na le thata (bona Mark 5:30).
5. Mo Guide to the Scriptures, "Boperesiti" bo tlhalosiwa jaaka: "Taolo le thata eo Modimo a e neelang go monna go dira mo dilong tsothe go pholoso ya batho" (D&C 50:26–27).

Akanyetsa Se

Bomolemo bo ka re thatafatsa le go re nonotsha jang?